

Գ. ԼԵՎՈՂՆՑԱՆ

ԴՐԱՅՑԱԼ ՄԻ ԺԱՆԻ ԷԶ ՀԱՅ ԵՐԱՇԾՏՈՒԹՅԱՆ ՊԱՏՄՈՒԹՅՈՒՆԻՑ
ՄԱՆՐՈՒՍՄՈՒՆՔՆԵՐԸ

Հայ միջնադարի մտավոր կուլտուրական կյանքը, ինչպես հայտնի է, գլխավորապես կենտրոնացած էր վանքերում։ Այդ տեղերում էր, որ մեր «անհամ գրիշ»-ները գրում կամ ընդօրինակում էին ձեռագիր մատյաններ, ծաղկողները և մանրանկարիչները ծաղկում, ոսկում և զարդարում էին այդ ձեռագիրները։ Վանքերի պարհապներում էին ապրում և ստեղծագործում մեր տաղերգու բանաստեղծները, փիլիսոփաերաժշտագետները՝ ու «գերեզշանիկ» վարդապետներն ավանդում ժամանակի սխոլաստիկ գիտությունը ուսումնատենչ երիտասարդներին։ Իրենց զասախոսությունները և պատանիներին։ Իրենց զասախոսությունները և առօրյա գործնական պարագմունքները բավարար չհամարելով մեր մանրանկարիչ վարպետները, ինչպես և հմուտ երաժշտագետները, կազմել էին իրենց ձեռնարկները նորահասների գեղարվեստական կրթությունը լրացնելու, ինչպես և հեռակա ուսանողներին ու այդ արվեստներով հետաքրքրվողներին սպասարկելու համար։ Մանր նկարչության այդ ձեռնարկները ընդհանուր անվամբ կոչվում էին Պատկերուսույց, իսկ երաժշտագիտության ձեռնարկները Մանր ուսմունք կամ մեկ բառով Մանրուսմունք։

Եթե պատկերուսուցների մեջ մանրանկարիչ վարպետները սովորեցնում էին ներկերի պատրաստումը և նրանց գործածության ձևերն ու տեխնիկան, ապա մանր ուսմունքների հեղինակներն կամ կազմողները, զբաղվում էին «առողջանության խազերի», «երգողական նշանների» ու բազմատեսակ ձայնանիշների ուսմունքով, վերծանելու կամ երգելու համար վարժովա-

կան նմուշներ տալով իրենց ժամանակի հայտնի եկեղեցական և աշխարհիկ երգերից ու եղանակներից։ Մանրուսմունքներ կան, որ ավելի ևս նման են երաժշտական քրեստոմատիաների։ Նրանք ու թե սկզբնական ձեռնարկներ են տարրական երաժշտագիտության, այլ պարունակում են իրենց մեջ երգերի ու շարականների պարզ և բարդ հատվածներ արդեն երաժշտություն գիտեցողներին համեմատաբար ավելի բարձր կրթություն տալու համար։

Երեանի Պետական Մատենադարանում, երուսաղեմի հայոց վանքի գրադարանում, ինչպես և Վենետիկի ու Վիեննայի Միսիոնարյանների մոտ մեզ հասած Մանրուսմունքների թիվը հասնում է երեք տասնյակի։ Նրանք ընդօրինակված են 13—17-րդ դարերում ավելի հին օրինակներից, որոնք չեն հասել մեզ։

Անշուշտ ցանկալի կլիներ իմանալ, թե ո՞վեր են եղել Մանրուսմունքների սկզբանական օրինակների հեղինակները կամ խմբագրուղները։ Անկասկած եղել են նըրանք, որոնք այս կամ այն դարում, այս եամ այն կենտրոնական վայրում կանգնած են եղել երաժշտական զգրոցների վրում։

Հաջորդ դարերում այդ ձեռնարկները լրացրել են նոր նյութերով, նորից խմբագրվելով փոփոխություն են կրել ու դարձել կոլեկտիվ աշխատանքի պտույք։ Նրանց մեջ, բացի շարականներից, զանձերից, մեել են նաև հատուկ հղանակներ (ալելուներ, փառեր, կցուրզներ) օրվա այս կամ այն պահին ժամերգության, այս կամ այն

ծիսակատարության ժամանակ երգելու Այդպիսիներից են Ալելույ զիշերության, Ալելույ նաշի, նաշ մեսեղիմ, կիրակեամտի փառեր, տերողորմիայց տոնից, կըցուրդներ, հանգստյան, մեսեղիմ ապաշխարության, խոնարհեցույ հասարակաց և այլն:

Ներսես Շնորհալին խստապահանջ է եղել քահանաների երաժշտական կրթության վերաբերյալ. նրանք ձեռնադրվելիս պարտադիր՝ կերպով պետք է գիտենային մանրուսմունքները, որպեսզի ճիշտ կանոններով և անթերի կատարեն ժամերգությունը:

«Թեև ոչ ամենեցուն ամենայն շնորհք կատարեալ լինել անհնար է, սակայն (նորք) ի հարկավորսն պարտ են անթերի լինել, այսինքն եկեղեցական պէտս ուղիղ ընթեռնուլ և մանրուսմունս ձայնաուրացն պաշտել եկեղեցիս և ապա գալ ի ձեռնադրութեան քահանայութեան»:

Մեզ ծանոթ 18 մանրուսմունքներից (Երեանում 6, Վիեննայում 8, Վենետիկում 4) ամենաշինը ընդօրինակված է մագաղաթի վրա Կիլիկիայի Սկևուա վանքում «Զեսամբ բազմամեղ քահանայի և անպիտան զրշի Մատեֆաննոսի ի լաւ յընտիր աւքինակաց» (Երեան, Մատենադարան, ձեռագիր 680):

Ունի այսպիսի հիշատակարան:

Փառք... գրեցաւ առաջարանս և տետրակս մանրուսման և թիվն հայոց Զիլ ի Հայրապետութեան տեառն Յակոբայ և ի թագաւորութեան Լեոնի, որդոյ Հեթմոյ, ի հրաշակաւոր անապատս Սկևուայ ընդ հովանեաւ սր. Փրկչի և մաւր լուսոյ Ածածնի...»:

Երկրորդը ժամանակագրական կարգով գրված է Զիլ (1279) թիվն «ի ձեռն Յոհան քահանայի ի զգեակն Բաբերդ ի գաւառն Խախտեաց»: Գտնվում է Երեանի մատենադարանում (ձեռագիր, № 672):

Քվական ունեցող Մանրուսմունքներից այս երկուսով էլ վերջանում է 13-րդ դարը: Մակայն նույն Մատենադարանում կամի անթվական մանրուսման (№ 919),

ված է մագաղաթի վրա: Ըստ երեսութիւն պատկանում է ավելի վաղ շրջանի:

Ալունետե գալիս են 14-րդ դարում գրված Մանրուսմունքները թվով 7: Նրանցից առաջինը պատկանում է 1313 թիվն և գրված է «ի սուրբ և հոչակաւոր անապատս Դրազարկ», Մտեփաննոս գրչի ձեռքով: Զեռագիրը գտնվում է Վենետիկում, Միկիթարյանների գրադարանում: Ահա մի պատառիկ նրա հիշատակարանից:

Գրեցաւ եղանակաւոր տառս, որ կոչի Մանրուսումն ի թվ. ԶԿԲ ձեռամբ և մեղսաթաւալ սուտանում գրչկայ Ստ. ի սուրբ և հոչակաւոր անապատիս Դրազարկ...» (Ալիշան, Սիսվան, 738):

Երկրորդը, որ գրված է 1314 թիվն ընտիր մագաղաթի վրա, գտնվում է Երեանի Պետական Մատենադարանում (№ 673), գրության տեղն անհայտ է հիշատակարանի թերի լինելու պատճառով:

Երրորդը և չորրորդը, որ գտնվում են Վենետիկում, գրված են 1325 և 1336 թվերին, Գալու վանքում Սիմեոն քահանայի ձեռքով: Ալիշանը իր Սիսվանում առաջ է բերել 1336 թվի Մանրուսմունքի հիշատակարանի նմանհանությունը:

«Գրեցաւ եղանակաւոր տառս, որ կոչի մանրուսումն: ի թուիս հայոց ՃԶԵ ի թագաւորութեանս հայոց Լեոնի ածասիրի և բարեպաշտի, որդոյ ի Քս ած հանգուցեալ թագավորին Աւշինի»:

Եւ ի Հայրապետութեան տեառն Յակոբայ ի սր. անապատս որ կոչի Գալու Ծնդհովանեաւ սր. ածածնիս և այլ սրբոցս որք աստ: Զեռամբ բազմամեղ և անարժան քահանայի Սիմեոնի»:

Հինգերորդը գտնվում է Վիեննայի Միկիթարյանների մոտ (ձեռ. № 183): Գրված է 1340 թվին, տեղը անհայտ, գրիշը և ծաղկողը Մկրտիչ Երեց:

Վեցերորդը (Երեան, Մատենադարան № 559). գրված է մագաղաթի վրա 1353 թիվն Ղրիմում:

«Գրեցաւ տետրակս որ կոչի Մանրուսումն յաշխարհս Ղրիմիս ի Սուրբսաթ քա-

և հայրապետութեան տեառն Ստեփաննոսի և ի թագաւորութեան Կոստանդիանոսի... ի թուականին հայոց Պ. Ա. Զեռամբ Գրիգորի Սուքիասեանց»:

Նույն 14-րդ դարին է պատկանում Արքայակաղնի վանքում (Կիլիկիա) գրված մի ընտիր Մանրուսումն (Վենետիկ), որի մասին այնքան գովեստով է խոսում Ալիշանը: Զեռագրի հիշատակարանում կան այսպիսի տողեր.

«Գրեցաւ եղանակաւոր տառս՝ որ կոչ Մանրուսումն ի լաւ և յընտիր օրինակէ... զոր յարմարեալ էին երաժշտասէր Արքայակաղնոյց, բայց, ինչպես նույն հիշատակարանի ներքենում բերված նմանահանությունից երևում է, Արքայակաղնում միայն երաժշտասեր չեն եղել, այլ եղել են և երաժշտապետք (Սիսուան, էջ 234):

Հասնում ենք 15-րդ դարը: Դարասկըզբներում, 1405-ին գրված Մանրուսումն պատկանում է Ավագ Վանք Կոչվող «Մեծափառ անապատին»—բայց ընդորինակված է, կամ ինչպես հիշատակարանն է վկայում, «յարմարած է առաջին երաժշտապետացն սր. ուխտիս Արքայակաղնոյն»: Զեռագրիը գտնվում է մեր Մատենադարանում (№ 674):

Ժամանակագրությամբ հետեւյալ յոթ Մանրուսումները պատկանում են Վիեննայի Միսիթարյանների գրադարանին. դրանցից առաջինը գրված է 1421 թվին, զարդարված է բազմագույն նկարներով, գրիչն է Հովհաննես, ծաղկող և ոսկողը Մելիքսեթ երեց: Ոմի այսպիսի հիշատակարան:

«... Կատարեցաւ ցանկալի երգարանս երաժշտական ձայնաւորացս ի թուականութեան Հայկական տումարի Պ. Հ. (1421)... ի սոյն ժամանակս գրեցաւ տետրակս ի սր. և ի գերանոչակ ուլստու, որ կոչի Սանահին... Ո՞վ դասք լուաերամից և քաղցրանուագ երաժշտապետք, որք օգտիք ի սմանէ և վայելէք զմեղաւոր գծողս յիշեցէք»:

Երկրորդ (№ 403) գրված է նույնպես մագաղաթի վրա Բոլորածոր անապատում 1484 թվին: Ոմի բազմագույն նկարներ և գեղեցիկ թոշնագրեր:

«Փառք... որ ետ կարողութիւն անարհեստ գրչի անարժան Արքահամի սոսկ անուամբ աբեղայ կոշեալ և ոչ գործովզի գրեցի տետրակս և ոսկով զարդարեցի և կապեցի վայելումն անձին իմոյ և հոգեոր հօրս և ուսուցի և հօրեղբօրս իմ Աւագ տէր վարդապետի»:

Հետեւյալ երեք Մանրուսումները գրված են նույն դարում, գրության տեղն անծանոթ:

Վերջին երկուսը պատկանում են 17-րդ դարին, մեկը գրված է 1633-ին, տեղը անհայտ, մյուսը՝ 1641-ին, Սեբաստիայում: Այդ ձեռագրի հիշատակարանի տակ գրված է.

«Զտէր Յակոբ բանի սպասաւորն յիշեա ի տէր ով երգեցող եղայլք...»:

Այսպիսով վերջանում է մեղ ծանոթ Մանրուսումների գրության դարը: Նույն դարում մեզ հայտնի է դառնում ևս մի «Խազզիրք», գրված 1677-ին Մաղարթա վանքում (Մեսրոպ եպ. Սմբատյան «Երընշակ», էջ 121):

ՄԱՆՐՈՒՄՄՈՒՆՔՆԵՐԻ ԽՂԱՆԱԿՆԵՐԸ

Առաջին անգամ Վենետիկի Ս. Ղազարի վանքի գրադարանում եղած Մանրուսումների միջից հանելով՝ Ալիշանը իր «Սիս-

վանում» (1885) տպագրեց թվով 70 եղանակների անուններ, որոնք հետեւյալն են՝

Աղաշանք

Գուճնակ

Աղավնեկ

Գուլյիկ

Անմեղուկ

Գոռուզ

Անձեղ կամ Զիթ

Գուանակ

Արծիվ

Գաւուեկ

Առվոտ երդ	Դարբին
Աշկերտն	Եկեղեցու
Այսօր մտանե	Ճոճողող
Առեղն կամ Հոնեղ	Բագավորն
Գաբրիել	Իրիցկին
Գայլ	Լալկան
Գղած	Խաբուախիկ
Խեղեփ	Մեղոն
Խոսող	Մշեցի
Սովցի	Հետքարշ
Կաղ	Շնորհազարդ
Կատու	Ովեսայն
Կարմիրվանքեցի	Ուղտն
Կիրակոս երեց	Չորուկ
Կողեռն	Չանրիկ
Հավատվոր	Չուզհակ
Հիվանդ	Ռահուվար
Հոռոմն	Սայլ
Հովիվ	Սարկավագ
Հորնձին	Սերոբե
Զագ	Սուրբնշանցի
Ճինկան կամ Ճշող	Ստեղն
Մակեդոնացի	Վարսեղն
Մամկոն	Վաշտարիկ
Մասնակն	Տանուտրակ
Մատն	Տարածումն
Տարոնցի	Ցինայն
Տժպուխն	Փող
Տոկատն	Փոթակն
Տոպուպայն	Քնքչակն

1844-ին էջմիածնի «Արարատ» ամսագրի
մեջ Կոմիտաս վարդապետը «Հայոց եկեղե-
ցական եղանակները» իր անդրանիկ հոդ-
վածում, անշուշտ վանքի մատենադարա-
նի Մանրուամունքներից հանելով, բերում

է մի նոր ցանկ, որի մեջ կան թվով 14
այնպիսի եղանակների անուններ, ինչ որ
չկան Ալիշանի առաջ բերած ցանկում:
Այդ եղանակներն են՝

Անձեր	Բերդ
Առյուծ	Գալստյան
Արջն	Գետ
Ավելի	Մովսես
Բազե	Յավնեղն
Բոռ	Յեղմն
Բրավոր	Յեղմուկ
Բդեշխ	Յովհաննիսուկ
Եղնակ	Նավ
Եղնաթ	Շահուան

Ձողատող
Խմաստնով
Խալի
Ծիծեռն
Ծնծղա
Կակղոտ
Կիրակմտի
Կրետ
Կցիսակ
Հաս
Հոռմակ
Ճոխ
Մառեխ
Մեծ գլուխ
Մեռելքաղ
Միքայել

Շավառն
Ոչսար
Պարընգուլ
Պիծակ
Ջաղացք
Ջորեթաշ
Սրինգ
Վարուժնակ
Տիրոցի ձագ

Սահակ վ. Ամատոնին իր «Բառ և բան» բառարանի մեջ բառերի շարքում բերում է 88 եղանակի անուն, որոնք գրեթե նույնն են. եթե Կոմիտասի ցանկից չի օգտված, ապա քաղված են էջմիածնի Մանրուամունքներից:

Կոմիտասն իր առաջ բերած եղանակները բաժանել է բուն ութ ձայնի մեջ՝ անուն—անուն թվերով: Առաջին ձայնի 23, առաջին կողմի 12, երկրորդ ձայնի 12, ավագ կողմի 11, երրորդ ձայնի 13, վառ ձայնի 20, չորրորդ ձայնի 18, չորրորդ կողմը 14:

Տես «Կոմիտաս — Հոդվածներ և ուսումնասիրություններ» էջ 121—125):

Արևմտահայ բանասեր Դավիթ Խաչոնցը իր «Հայոց կրոնական բանաստեղծությունը» աշխատության մեջ (Թիֆլիս, 1904 թ.) գրեթե նույնությամբ առաջ է բերել վերը հիշված եղանակների՝ Կոմիտասի կազմած ստորաբաժանումները, առանց աղբյուրը հիշատակելու:

Միջնադարյան հայ մտավոր կովտուրական կյանքում գոյություն են ունեցել և «Օսկեփորիկ» կոչվող ժողովածուներ, որոնց մեջ հավաքված են զանազան գիտելիքների՝ գիտութեան, արվեստների, կրոնական ու բարոյախոսական գրականությունից մանր հատվածներ թեթև բնթեր-

ցանության համար: Այդ ոսկեփորիկներ մեջ մենք պատահում ենք երաժշտության տեսականի, պատմականի և գործնական մասին զանազան հատվածներ, որոնք անկասկած, ընդօրինակված են Մանրուամունքներից:

Վենետիկի Մխիթարյան գրադարանու գտնվող 14-րդ դարում գրված մի Ոսկեփորիկի մեջ (№ 248) ահա ինչպիսի մի հատված կա երաժշտական տեսական վերաբերյալ արաբական աղբյուրներից:

«Համառոտ երաժշտական արուեստ է յարապ՝ գրոց: Խնդրող եթէ որ իցէ արուեստի երաժշտականութեան, գիտացէ զերաժշտականութիւնն գիւտ մի է և գիւտուգաբան իմաստնոց. և գրութիւն նորով վասն հոգոց կենդանեաց է և ոչ մարմանոց, զի մարմինք անհոգիք ոչ ունեն մատաի նմանէ: Եւ երաժշտականութիւնն է արուեստ մի՝ յօդեալ ի մարմնականէ և ի հոգեորականէ. և գիւտ ողբոց և խնդրութեան ի նմանէ...» և այլն:

«Թարգմանության ժամանակը չի գիտվիր», ասում է Վենետիկյան ձեռագիրների ցուցակը կազմող Հ. Բ. Սարգիսյանը՝ «բայց թարգմանիշը երաժշտագետ մեկը ըլլալու է, այն և կամ Գրիգոր Մագիստրոս կամ Ներսես Շնորհալի» (ցուցակ Բ, Է 694): Նույն գրադարանի մի ուրիշ ձեռագիր Ոսկեփորիկ (№ 288), որը ատամանու-

12—13-րդ դարերին, իր մի քանի էշեսում պարունակում է «Անուանք եղանակնեց», ձայնից երգող», հայկական ամենալավը խազերով։ Այդ եղանակների անունը հն՝ «Արտշեշտ, Քարշ, Ստորագիր, Կրագիր, Վանդ, Կուռկուռ, Զգեհին, Խաղ, Խող, Ծընկեր, Հար, Հարկորա, Բեր, Բազարեղ, Անար, Աղամանեակ, Հարով, Զայնարձ, Հանգուց, Խում, Գոյն, Թմազարդ..», պահ Քմատրոփի, Շանրատրոփի, Թազատրոփի, որք են թվով իդ և է ի դոցանէ գլխավոր ն ըստ է եղանակաւոր գրոյն որք են Ա. Ե. Յ. Ի. Ռ. Ո. Խ. և այլդ խառնորդ են որ ան զանազան անուշահոտ համեմք հապամ կերողաց» (Ցուցակ Բ, էջ 775):

Երուաղեմի հայոց վանքի գրադարաւում եղած մի ձեռագիր խազգրքից առնեալվ, տեղի «Միոն» ամսագրի 1867 թվի 8-ում տպագրված է մի տեսություն, որի մեջ բիշ տարբերությամբ առաջ են ներված նույնանուն եղանակները իրենց աղանջաններով։

Մի երրորդ Ռուկեփորիկի մեջ Վենետիկի գրադարանում (Ճեռ. 287), գրված 16—7-րդ դարերում, կա մի հատված «Յաւագս երաժշտականաց», որ սկսվում է արց ու պատասխանով։

Հարց—Զի՞նչ է երաժշտականն։

Պատ.—Ի երկու բաժանի ի հոգեորն ի մարմնաւորն, այսինքն ի բանականն ի քնարս կամ եկեղեցական հոգեորդու և յարտաքին գուսանն...։

«Երաժշտական այս կրկին բաժանմունքն, —գրում է ցուցակի խմբագիրը, հիաւալի կերպով բարգավաճած է գրվածքիս անհայտ հեղինակը, նկարագրելով նախկինեցական խազերը և անոնց հարմատությունները» ու առաջ է բերում խազերի անունները։ «Զոր իմաստուն երաժշտաքնիդեցոյ իմաստութեամբ երգեն զիսազսն այնաւորաց և ճանաշեն և բաժանեն ի միշտյանց զարուեստաւորսն և զառոգանութիւնըն, այսինքն, զԵնշտն և զԲութն, զՊարոյկն, Երկաթն, զՍուլն, զԲենկութայն, զԴայկուրճայն և զԲատուտներն զՏակն և զԾնկներն, զՆերքնախազն, զԵնախաղն, զՄիջնախաղն, զԵներեփն»։

զԴուկն, զՍուլն, զԲութն, զԼարն, զԲուշն, զԴիրն և Առն և զայլ բազում խազս, զոր սոսա իրեն զսեռ առեալ և ի զանազան տեսակս (1) արդարեն և եղանակեն բարձր (բ) դիկը (դ), անուշ (2), զարկ (զ), լար (լ), ծամ (ծ), ցած (ց), սուր (ս) և այլ բազում արուեստիւր...»։

Այժմ մի համառոտ ակնարկ հատկապես հայկական խազերի մասին։

Երաժշտական խազերի ուամունքը, ինչպես մեզ մոտ, այնպես էլ ուրիշ ազգերի, զուտ մասնագիտական գործ է։ Պետք է նրանով զբաղվեն և զբաղվում են երաժշտագետմասնագետները։ Մեր համեստ գործն այստեղ բանափառները համեստ գործն այստեղ բանափառներն է, մի համառոտ ակնարկով ցուց տալու թե հայ խազագիտությունը ի՞նչ է եղել անցյալում և ի՞նչ արդյունքների հասել հետագայում,

Պատմությունը լուսմ է նախքան Կիլիկյան շրջանի հայ երաժշտության ծաղկուն դարը՝ Շնորհալու դարը—բուն Հայաստանում հայկական խազերի գոյության մասին։ Մենք այն կարծիքն ունինք, որ եղել են այդպիսի խազեր միայն ոչ տարածված, այլ անհատ երաժշտագետ վարդապետների մոտ։ Շնորհալու ուղարկած մարդիկ եկել են Հայաստան և տարել «Խոսրովլային» ոճի շարականների եղանակները։ Ի՞նչպես կարող էին եղանակներ տանել, եթե խազագրված Այնեին այդ եղանակները։

Միջնադարի հայ երաժշտության պատպատմության մեջ առանձնապես շեշտվում է Հաղարծինի վանքի վանահայր Խաչատուր Տարոնացու անունը, որպես խազերը արևելք բերողի։ Գանձակեցին նրան անվանելով «այր սուրբ և առաքինի գիտությամբ հոչակեալ, մանաւանդ երաժշտական արուեստին», ասում է, որ «աս երեք զիսազն ի կողմանս յարևելից, զանմարմին եղանակսն ի մարմին ածել զարարեալսն յիմաստնոց, որ ցայն ժամանակ չկա ու սփռեալ ընդ աշխարհ» (էջ 200):

Կիրակոսի այս խոսքերից մեր բանասերներից ումանք եկել են այն սխալ եղարկացության, որ մինչև 12-րդ դարը

Հայաստանում խազեր շեն եղել և առաջին անգամ արևմուտքից բերել է Խաչատուր Տարոնացին։ Նույն կարծիքն ունի, և միքիշ էլ առաջ է գնում, Սպիրիդոն Մելիքյանը, որ գրում է՝ «Երաժշտական խազերը բերել է արևմուտքից իմա Փոքր Սսիայից կամ Հովհաննանից... Խաչատուր Տարոնացին 12-րդ դարում» (Ուրվագիծ, 23):

Նախ որ պատմիշը արևմուտքի անուն չի տալիս, բայց քանի որ ասում է «Ի Կողմանս արևելից», ընդունենք, որ Խաչատուրը խազերը բերել է Արևմուտքից. բայց ինչո՞ւ այդ արևմուտքի սահմաները հասցնել մինչև Հովհաննան (կամեցել է ասել Թյուպանդիա): Եթե Տարոնացին խազերը բերած լիներ օտար աշխարհից, Գանձակեցին կասեր. «Սա երեր զիազն ի Հայու» — ոչ թե «Ի Կողմանս արևելից» — այսինքն արևելյան կողմերը: Իսկ մենք այս կարծիքն ունինք, որ Խաչատուրը եկել է Կիլիկիայից և այնտեղից է բերել ներսես Շնորհալու և տեղական այլ նշանավոր երաժշտագետների կողմից մշակված խազերը: Կիլիկիայից հայ բնաշխարհը համարում էին Արևելք և այնտեղի եկեղեցականներին արևելեայք:

Այսպես է հասկանում և Գ. Զարբանաւանը, երբ գրում է.

«Պատմիշը (Կիրակոսը) կավանդե, թե ինքը (Տարոնացին) բերած ըլլա խազը արևելքի կողմերը, այսինքն վերին կամ մեծ Հայաստանի մեջ (Պատմ. հայերեն դրաության Ա. 675):

Հայկական խազերի ուսումնասիրության փորձ է անում Սպիրիդոն Մելիքյանը իր «Հովհաննան ազդեցությունը հայ երաժշտության տեսականի վրա (Թիֆլիս, 1914) արժեքավոր աշխատության մեջ: Մենք կարող ենք համաձայնել կամ ՀՀամաձայնել նրա արծարծած խնդիրների լուսաբանությանը, բայց նա լուրջ գործ է կատարել մեր խազագիտության բնագավառում: Նա կշմիածնի մատենադարանում մի առ մի թերթելով ութ ձեռագիր խազավորված շարականներ (1305—1700) գրտել է, որ «Մեր Շարականը մի անգամ

Խաչատուրի (Տարոնցի) և նրա աշակերտների ձեռքով խազավորվելուց հետո այնուշետև ոչ մի փոփոխության չի ենթարկվել, հետևապես և նրա մեջ գործածված խազերը իրենց նշանակությամբ 12—13-րդ դարերին են պատկանում և մեր խազավոր գրականության ամենահին շրջանն են կազմում»:

Եվ քանի որ ավելի վաղվա՝ 10—11-րդ դարերի խազավորված ձեռագիրներ չեն հայտաբերված մինչև այսօր, բայց երևութիւն Սպ. Մելիքյանի խոսքը, առժամանակ մնում է անհերթելի:

Այդ խազերն էին, որ հասել էին մինչև 18-րդ դարի վերջերը, Գաբրիանացիան Դրիգոր դպրի ուսումնասիրության նյութը դարձել և ապա 19-րդ դարի խորաշին կեսին ավելի համարձակ վերանորոգման ու նոր մշակումի ենթարկվել Համբարձում Լիմոնճյանի և նրա աշակերտների շանքերով։ Բայց քանի որ 19-րդ դարը չի մտնում մեր ներկա աշխատության ծրագրի մեջ, մենք դարձյալ շարունակենք մեր խոսքը հայ երաժշտության տեսականի և խազերի նվիրված գրականության մասին։

Որքան մեզ հայտնի է, հայ և օտար բանասերների և երաժշտագետների կողմից տպագրվել են բազմաթիվ հոդվածներ Այդ բոլոր հոդվածների և ուսումնասիրությունների լիակատար ցանկը մենք տալիս ենք «Հայ երաժշտության բիբլիոգրաֆիան» մեր աշխատության մեջ։ Այստեղ միայն նշենք այն, որ հատկապես հայկական խազերի ուսումնասիրությամբ սկսել են գրազիվել դեռ ևս անցյալ դարի կեսերից։ Օրինակ՝ Պետերմանը 1851 թվին,

„Über die Musik der Armenier“ աշխատությունը — խազերի տախտակ օրինակներով։

Այսուհետև զբաղվել են հգնատիռակյուղեղյան (Վենետիկի Միթթարյաններից 1900-ականներին), Պ. Վագներ, Կոմիտաս և Սպիրիդոն Մելիքյան։

Ի՞նչ են ասում իրենց ուսումնասիրությունների մեջ այդ հեղինակները։ Նրանք նախ զտում են առողջանության խազերը երաժշտական խազերից, ապա տալիս են պատմական տեղեկանքներ խազերի ծագ-

ման և ուրիշ ազգերի խաղերի հետ ունեցած առընչության մասին, առաջ են բերում հայկական բոլոր խաղերի անոնները, որոնց թիվը հասնում է մինչև 200-ի և էլի ուրիշ մանրամասնություններ, բայց ամենազիստավորը խաղերի վերածությունը այդ հեղինակներից ոչ մեկին չի հաջողվել։ Մեր դարի 10-ական թվականներին, երբ Կ. Պոլսի մամուլում հայ երաժշտության տեսական խնդիրների մասին սկսել էին մի շարք հոդվածներ երեալ, ամենքի հույսը Կոմիտաս վարդապետի վրա էր, որ նա պետք է վերջիվերջո լուծի հայկական խաղերի պրոբլեմը։ Նույնիսկ տեղական քահանաներից մեկը մի մասնավոր նամակով այդ մասին գրում է մեծանուն երաժշտագետին, որ նա բարձրացնի իր հեղինակավոր ձայնը։ Կոմիտասն իր պատասխանը գրում է էջմիածնում 1910-ին, բայց տպագրվում է Կ. Պոլսի «Տաճար» հանդեսում 1914-ին։ Այնքան էլ միթարական չեր այդ պատասխանը։ Նա գրում էր.

«... Իրավ է, ես գտել եմ հայ խաղերի բանալին և նույնիսկ կարդում եմ պարզ գրվածքները, բայց դեռ վեշնակետի չեմ հասել, զի յուրաքանչյուր խաղի խորհրդավոր իմաստին թափանցելու համար նույնիսկ տասնյակ ձեռագիրներ պրպտելով ամիսներ են սահում։ իսկ ձեռքիս տակ և լած խաղերը, այն էլ անուն ունեցողները, 198 հատ են առայժմ, մի կողմ թողնենք գեռ անանուն խաղերը, որոնք խիստ շատ են։

Առաջմ երկու խոսքով ամփոփեմ, թե ինչ տառեր ունի հայ խաղաբանությունը։

Ա. Զայնաստիճանի խաղեր

Բ. Զայներանգի խաղեր

Գ. Զարդախազեր

Դ. Զայնուժի խաղեր

Ե. Ամանակի խաղեր

Զ. Առողանության խաղեր

Ը. Կետադրության խաղեր

Թ. Ոճական խաղեր

Ժ. Կապող և զատող խաղեր

ԺԱ. Կիսանիշ խաղեր և այլն։

Թվելով, որ մի այդպիսի ուսումնասիրություն կատարելության հասցնելու համար առաջանում են մի շարք լուրջ խնդիրներ, Կոմիտասն իր նամակ-հոդվածը վերջացնում է այսպիս։

«Թող հայ հասարակությունը ներող, մանավանդ համբերող լինի, մինչև որ հնարավոր շափով կատարելապես վերջացնեմ իմ տասնըրվեց-ամյակից ավելի տևող տաժանակիր ուսումնասիրությունները։ Հույս ունեմ, թե մոտիկ ապագայում առանձին հատորներով հասարակության սեփականություն պետք է դառնա։»

Եվ այդ «մոտիկ ապագան» այլևս չեկավ դժբախտ արվեստագետի համար։

Նորից անցան մի քանի տասնյակ տարիներ, բայց հայկական խաղերի առեղծվածը գեռ սպասում է իր լուծման։

Եթե մեզանից մոտ 80 տարի առաջ էջմիածնում Գեորգ Դ. կաթողիկոսի ջանքով և նիկողայոս Թաշճյանի ձայնագրությամբ լույս տեսած Շարականի խըմբագրող՝ Վահրամ եպ. Մանկունին իր առաջարանում ցավ էր հայտնում հին խաղերի անընթեռնելի լինելու մասին, որ «Յստ ձայնանիշ խաղիցն անցողիկ զրնիկ և զհարազատ նշանակութիւնսն կամ զօրութիւնս ոչ ոք է, որ գիտիցէ», որովհետև «ամենածախ ժամանակն վարդութեալ և թագուցեալ իմն է զայն ի մերոց աշաց» ինչպես «զարձանագրութիւնս բնեռուած կամ սեպած կոչեցեալս», ապա մենք երեք քառորդ դար անցնելուց հետո շնչեք կարող պարծենալ որևէ նորությամբ այդ բնագավառում։

Սեպածն արձանագրություններն ու եգիպտական հիերոգիֆները կարդացվեցին, իսկ մեր երաժշտական խաղերը մընացին և դեռ մնում են անվերծանելին եթե մի երջանիկ օր մեզ հաջողվի գտնել «խաղերի բանալին», ապա այն ժամանակ մեր աշեղերի առաջ կբացվի մի լայնատարած հորիզոն և կիմանանք, թե ինչ եղանակներով են երդվել մեր միջնադարյան եկեղեցական և աշխարհիկ երդերը։